

HIERONYMUS.

sive Benjamin, & est hodie Bethsoron vicus euntibus nobis ab Ælia Chebron in vicesimo lapide, juxta quem fons ad radices montis ebulliens ab eadem in qua gignitur sorbetur humo; & Apostolorum Actareferunt Eunuchum Candacis Reginae in hoc esse baptizatum à Philippo. Est & alia villa Bethsur in tribu Juda mille passibus distans ab Eleutheropoli.

E T Σ Ε Β Ι Ο Σ.

καὶ ἔστι νῦν κόμη Βηθσορὸν ἀπὸ Αἰλίας εἰς Χεβρον ἐν εἰκοσὶ σημείοις, ἔνθα καὶ πηγὴ ἀπὸ ὅρας ἐξίονσα δαίκνυται, ἐν ᾗ λέγεται ὁ εὐνοῦχος Κανδάκης βαπτίσθαι ὑπὸ Φιλίππου. Ἔστι δὲ καὶ ἄλλη Βηθσοὺρ φυλῆς Ἰούδα, Ἐλευθεροπόλεως (ἀπέχουσα σημείοις α').

EUSEBIUS.

jamin, estque nunc vicus Bethsoron (euntibus) Ælia Chebronem in vigesimo lapide, ubi etiam fons è radice montis emanans ostenditur, in quo dicitur Eunuchus Candacis fuisse baptizatus à Philippo. Est etiam alia Bethsur tribus Juda, Eleutheropoli (distans mille passibus.)

BETHSURA, cujus fit mentio in Machabæorum libris, arx fuit munitissima ad Hierosolymitanæ urbis meridiem ibi in petra & rupe constituta ad ejusdem urbis defensionem. Fuisse in petra & rupe constitutam ipsum nomen Bethsur indicat, quod significat domum petræ. Ex quo facile colligitur fuisse arcem munitissimam & difficillimam expugnatum, quod etiam asserit Josephus Lib. 12. Antiq. c. 14. quin & Lib. 13. c. 9. locum totius Judææ munitissimum Bethsuram dicit: sed & Liber 2 Machab. c. xi. v. 5. Bethsuram in angusto loco ponit, nempe ad quem difficilis esset aditus. Fuisse autem ad Hierosolymitanæ urbis meridiem planè indicatur, 1 Machab. iv. v. ult. ubi dicitur ad custodiendam Bethsuram, ut haberet populus munitionem contra faciem Idumææ, & postea c. vi. v. 31. Antiochus Eupator cum exercitu veniens in Judæam per Idumæam prius Bethsuram appellit, eamque expugnare nititur priusquam Hierosolymam aggrediatur; erat ergo Bethsura urbi qua parte Idumæa respiciebatur; Idumæa autem urbi & toti Judææ erat ad meridiem. Hanc Bethsuram cum priore illa Bethsur, de qua agit Hieronymus, confundit Adrichomius. At inter has ponendam esse distinctionem res ipsa evincit: siquidem illa Bethsur Hieronymi, ubi erat fonsille, in quo baptizatus fuit Eunuchus Candaces reginæ, distabat viginti miliaribus Hierosolyma, at Bethsuram Machabæorum arcem ponit Adrichomius ad vallem Raphaim uno tantum milliario distantem Hierosolyma inter Hierosolymam scilicet & Bethlehem: addo verò non integro milliari urbe abfuisse, cum 2 Machab. xi. v. 5. dicatur quinque tantummodo stadiis Hierosolyma abfuisse.

BETHTHAPHUA. Vide BETHAPHU.

BETHUL. Vide BATHUL.

BETHULIA, à Bethul omnino diversa est, ne quis forte vel nominis affinitate, vel ex eo quòd Judith, quæ erat de tribu Simeonis, habitaret in Bethulia, decipiatur, cum & Bethul in tribu legamus Simeonis in extremis Judææ ad Austrum finibus: Bethulia enim Galilææ civitas erat in planitie Galilææ seu campo magno Esdrelon juxta Esdrelon & Dothain urbes Galilææ, quæ omnia colligi possunt primo toto libro Judith, præsertim c. vii. v. 13. De ea ita Brochardus: *A Nephtholim, de qua in Tobia, tres sunt leucae ad Dothain castrum sub monte Bethulia, ubi Joseph erravit, cum quæreret fratres suos.* Ex Abelina est una leuca ad montem Bethulia, ubi Judith occidit Holofernem, qui mons ferè per totam cernitur Galilæam, habens adhuc pulchra quædam ædificia, sed plures ruinas. A Bethulia est una leuca ad civitatem Tiberiadis, eundo scilicet inter Orientem & Austrum supra mare Galilææ, à qua mare Galilææ dictum est mare Tiberiadis.

BETHZACHARAM, 1 Machab. vi. v. 32, 33. aliud nihil erant quàm fauces angustæ: ita enim locum illum describit Josephus 13. Antiq. c. 14. Judas, inquit, cognito regis adventu omisso oppugnatione regionum copiis obviam profectus castra posuit circa fauces quasdam dictas Bethzacharia. Similia habet 1. Belli c. 1. In loco verò, inquit, cui Bethzacharia nomen est, qua transitus erat angustior &c. Significat verò hæc vox domum recordationis. Ubi autem fauces hæc fuerint est paulo obscurius.

¹ BETHZAIDA, civitas est Βηθσαιδα, πόλις Ἀνδρέου καὶ Πέτρου καὶ Φιλίππου καὶ τῶν ἄλλων τῶν ἐν τῇ Γαλιλαίᾳ τῇ πρὸς τῇ Γεννησαρίτῃ λίμνῃ.

BETHSAIDA, civitas Andreæ, & Petri, & Philippi. Sita est in Galilæa ad stagnum Genesaret.

BETHZECHA, 1 Machab. vii. v. 19. quò Bacchides relicta Hierosolyma castra sua applicuit, ex quo confici videtur non procul abfuisse Hierosolyma, eam tamen Adrichomius nescio quo argumento in dimidia tribu Manasse Cis-Jordanina collocat: de ea re difficile est certi quidquam constituere. Josephus 13. Antiq. c. 17. vicum facit. Fortè non alia est à Bezec in tribu Juda, de qua paulo post. Potest hæc vox significare domum munditiæ.

BETONIM, urbs in tribu Gad, Jos. xiii. v. 26.

BEZEC. Vide BEZECH proximè.

² BEZECH, urbs regis Adonibezec, & hodièque duæ villæ sunt nomine Bezech vicinæ sibi in septimo decimo lapide à Neapoli descendentibus Scythopolim.

Βεζεκ, πόλις Ἀδωνιβεζέκ. καὶ νῦν εἰσι κώμαι δύο Βεζέκ, πλησίον ἀλλήλων, νέας πόλεως ἀπέχουσαι σημείοις ιζ' κατιόντων ἐπὶ Σκυθόπολιν.

BEZEC, civitas Adonibezec. item sunt nunc duo vici Bezec sibi mutuo vicini, Neapoli distantes septemdecim miliaribus descendentibus Scythopolim.

N O T A.

1. In versione nostra Bethsaida scribitur. Hujus nulla in Veteri Testamento, sed in Novo tantum mentio, ut vel hinc satis appareat posterioris ævi civitatem fuisse. Significat autem Bethsaida domum venationis, vel etiam piscationis seu propriæ, seu nonnulla catachresis, cum piscatio etiam quoddam venationis genus sit. BONFRERIUS.

2. Illa Bezec (ita sine aspiratione in versione nostra legitur) quæ Regis Adonibezec fuit, necessario in tribu Juda constituenda est, ob id enim & tribus Juda bello adversus Chananæos redintegrato, Judic. 1. eam cepit & expugnavit. Ab illa haud dubie diversæ sunt ge-

minæ illæ aliæ Bezec, quæ omnino in dimidia tribu Manasse Cis-Jordanina videntur constituendæ ex iis quæ de illis dicit Hieronymus. Unius istarum meminit Scriptura, 1 Reg. 11. v. 8. quam necesse est non procul abfuisse Jordane. Significat hæc vox fulgur, cornicationem. IDEM.

3. Γεννησαρίη] Præstat cum Parisiensi Γεννησαρίδ, nam λίμνη est feminini generis. Aut legendum Γεννησάρ τῇ λίμνῃ, ut in voce Capernaum, CLERICUS.